

## ავთანდილ ნიკოლეიშვილი

### ალექსანდრე სუმბათაშვილ-იუჟიძი და საქართველო

რუსული დრამატურგიისა და თეატრალური ხელოვნების ერთ-ერთი დიდი წარმომადგენლის — ალექსანდრე სუმბათაშვილ-იუჟიძის (ფსევდონიმი იუჟიძი) ხელოვანმა სამოღვაწეო ასპარეზზე გამოსვლის პირველივე წლებიდან აირჩია და არაქართულ სამყაროში იგი უპირატესად სწორედ მისი სამხრეთული წარმომავლობის აღმნიშვნელი ამ ფსევდონიმითაა ცნობილი) ეროვნული ცნობიერების გარკვევისა და საქართველოსთან დამკიდებულების საკითხი ახლად წამოჭრილი პრობლემა არ არის და თავიდანვე იქცა ქართველი საზოგადოების განსჯისა და კამათის საგნად. აღნიშნული საკითხისადმი ინტერესს განსაკუთრებულ სიმძაფრეს სძენდა ის ფაქტი, რომ თავისი ეროვნული წარმომავლობითაც და ცხოვრება-მოღვაწეობის გარკვეული ეტაპებითაც იგი, მართალია, განუყოფელად იყო დაკავშირებული ჩვენს ქვეყანასთან, მაგრამ მისი შემოქმედებითი შესაძლებლობების წარმომჩენ უმთავრეს ასპარეზად, პირველ ყოვლისა მაინც, რუსული თეატრალური ხელოვნება და დრამატურგია იქცა.

იმის გამო, რომ ალ. სუმბათაშვილის ცხოვრება და მოღვაწეობა ძალზე ჩეზონანსულ მოვლენას წარმოადგენდა XIX საუკუნის ბოლო ორი ათწლეულისა და XX საუკუნის პირველი მეოთხედის არა მარტო რუსული, არამედ მთელი იმუამინდელი ევროპული თეატრალური ხელოვნების ისტორიაში, მისი ეროვნული თვითშეგნების გარკვევასთან დაკავშირებით იმზანად გამართულ პოლემიკში ფაქტობრივად ჩვენი საზოგადოების მნიშვნელოვანი ნაწილი აღმოჩნდა მეტნაკლები აქტიურობით ჩართული.

მაშინდელი ქართული ინტელიგენციის უმეტესობის აზრით, მიუხედავად იმისა, რომ ალ. სუმბათაშვილის, როგორც თეატრალური მოღვაწისა და დრამატურგის, მთელი შეგნებული ცხოვრება რუსულენოვან სამყაროში წარიმართა, იგი მაინც ქართულ საქმეთა სამსახურში ჩამდგარ მამულიშვილს წარმოადგენდა და არა მარტო რუსული კულტურის განვითარებაში შეიტანა მეტად ფასეული წვლილი, არამედ საქართველოსთვისაც ძალზე ბევრი უაღრესად მნიშვნელოვანი რამ გააკეთა.

ქართველი საზოგადოების მეორე, რადიკალურად განწყობილი, ნაწილი კი თვლიდა, რომ ალ. სუმბათაშვილს ფაქტობრივად მხოლოდ ეროვნული წარმომავლობა აკავშირებდა საქართველოსთან და მშობლიურ ენობრივ წიაღსა და ყოფით-სულიერ სამყაროს მოწყვეტილ ამ პირვენებას არა მარტო სამშობლოსადმი გულგრილ დამკიდებულებაში სდებდა ბრალს, არამედ მშობელი ქვეყნის მოღალატედაც კი აცხადებდა.

ალ. სუმბათაშვილის მიმართ წაყენებული ამ ბრალების გამქარწყობელ პირველ ყველაზე მნიშვნელოვან ფაქტად 1903 წელს მის მიერ დაწერილი და მოსკოვის მცირე თეატრის სცენაზე ტრიუმფალური წარმატებით განხორციელებული პოესია “ღალატი” იქცა. მასში გმირულ-პერიოდული ფორმითაა მოთხრობილი ჩვენი ქვეყნის ეროვნულ-სახელმწიფო ბრიტანეთის დამოუკიდებლობის

დასაცავად ქართველი ხალხის ბრძოლის ამბავი. აი, რას წერდა ამასთან დაკავშირებით ცნობილი კრიტიკოსი კიტა აბაშიძე: “ამას წინათ ჩვენმა უურნალ-გაზეთობამ სამართლიანი (იმ დროს) საყვედური გამოთქვა თ. ალ. სუმბათაშვილის შესახებ იმის გამო, რომ სამშობლო ხელოვნება და ქვეყანა მიტოვებული აქვს და თავისს ნიჭისა და მეცალინეობას იქა ჰერაკლის, სადაც უიმისოდაც ბევრია ნიჭიერი მშრომელი. თ. ალ. სუმბათაშვილს ამის პასუხი დიდი არა უთქვამს-რა. ან კი რა უნდა ეთქვა?

ხოლო საუკეთესო პასუხი და თავის გასამართლებელი უძლიერესი საბუთი მისცა ქართველ ერს მისის ახალი პიესით, რომელმაც აღტაცებაში მოიყვანა მთელი რუსეთის საზოგადოება. ამ ნაწარმოებით ბატონმა სუმბათაშვილმა ქართველ ერს გამოუცხადა და სავსებით დაუმტკიცა, რომ შართალია, იგი გარდახვეწილია სხვა-და-სხვა გარემოების მიზეზით, მაგრამ ერთს წუთსაც არ დავიწყებია თავისი სამშობლო და თავისი ერი” (გაზ. “ივერია,” 1903 წ. 6 დეკემბერი).

იმისათვის, რომ უფრო ნათელი წარმოდგენა შეგვექმნეს ალ. სუმბათაშვილის ეროვნული მოღვაწეობის არსა და მასშტაბებზე, მოკლედ გავიხსენოთ უმთავრესი შტრიხები მისი ცხოვრებიდან.

დაიბადა 1857 წელს ტულის გუბერნიის სოფ. კუკუევკაში. მამა – თავადი ივანე სუმბათაშვილი, კავალერიის ოფიცერი, ერეკლე მეორის შთამომავალი იყო დედის მხრიდან. 1855-1863 წლებში მსახურობდა რუსეთში, დღაგუნთა პოლკში. 1863 წელს ი. სუმბათაშვილმა სამხედრო სამსახურს თავი დაანება, იჯახთან ერთად საცხოვრებლად საქართველოში გადმოვიდა და თბილისა და თბილისთან ახლოს მდებარე სოფელ თელეთში დამკვიდრდა.

დედა – ვარვარა ნედზევეტსკაია დედის მხრიდან ლერმონტოვისა და პუშკინის ნათესავი იყო. ალ. სუმბათაშვილის გადმოცემით, პირველ ყოვლისა სწორედ იგი ყოფილა ის ადამიანი, ვინც მას არა მარტო უბრალოდ შეაყვარა ლიტერატურა, თეატრი და ხელოვნება, არამედ მთელი მისი შემდგომი ცხოვრების გზაც განსაზღვრა, არსებითად.

1877 წელს, თბილისის კლასიკური გიმნაზიის დამთავრების შემდეგ, ალ. სუმბათაშვილმა სწავლა განაგრძო ჰეტერობურგის საიმპერატორო უნივერსიტეტის იურიდიულ ფაკულტეტზე. სტუდენტობის პერიოდში მას თეატრალურ ასპარეზზე უკვე ჰქონდა პირველი წარმატებული ნაბიჯები გადადგმული.

1882 წლიდან ალ. სუმბათაშვილი მოსკოვის მცირე თეატრის მსახიობი ხდება, 1909 წლიდან კი, 18 წლის განმავლობაში, იგი ამ თეატრის ხელმძღვანელიც იყო. მთელი რუსეთის მასშტაბით, მას ერთ-ერთს პირველს მიენიჭა ამ ქვეყნის სახალხო არტისტის საპატიო წოდება. ალ. სუმბათაშვილის დიდ შემოქმედებით მიღწევათა საერთაშორისო აღიარებაა ის ფაქტიც, რომ იგი იყო მსოფლიოს არაერთი ქვეყნის ორდენებისა და სხვადასხვა სახის ჯილდოთა მფლობელი.

გარდა მსახიობობისა, ალ. სუმბათაშვილი იყო დრამატურგი, პუბლიცისტი, თეატრის ისტორიკოსი და თეორეტიკოსი, რუსეთის მეცნიერებათა აკადემიის ნამდვილი წევრი. დაწერილი აქვს ოცამდე პიესა. მიუხედავად იმისა, რომ მათში (გარდა “ღალატისა”) რუსული ცხოვრებისეული სინამდვილეა ასახული და ქართული ყოფის შესახებ არაფერია ნათქვამი, ბევრი მათგანი მაინც დიდი წარმატებით იდგმებოდა საქართველოში არსებული რუსული თეატრების სცენაზე, ექვსი პიესა კი ქართულადაც ცალმოითარებინა და დაიდგა.

ხანგრძლივი და მეტად წარმატებული აქტიორული მოღვაწეობის განვითარებაში აღ. სუმბათაშვილს ჩუსული თეატრის სცენაზე ნათამაშები აქვს 250-ზე მეტი როლი. მისი ბიოგრაფიის ხაზგასმით, XIX საუკუნის 80-90-იან წლებში აღ. სუმბათაშვილის პიესები მარტო ჩუსულ სცენაზე 6 000-ჯერ დაიდგა, მეოცეში კი — ორჯერ უფრო მეტად. ზოგიერთი მათგანი უცხო ენებზეც არის თარგმნილი და წარმატებით იღვმებოდა ბერლინის, პარიზის, ვენის, კრაკოვის, ბელგრადისა და ევროპის სხვა ქალაქების თეატრებში (გ. ბუხნიკაშვილი, 1948, გვ. 32).

ასეთი მრავალმხრივი და წარმატებული შემოქმედებითი მოღვაწეობის გამო, აღ. სუმბათაშვილისადმი უდიდეს პატივისცემას იჩენდნენ ჩუსული ინტელიგენციის ისეთი დიდი წარმომადგენლები, როგორებიც იყვნენ: ლ. ტოლსტოი, კ. სტანისლავსკი, პ. ჩაიკოვსკი, ვ. ბრიუსლოვი, ვ. ნემიროვიჩ-დანწენკო, ნ. რიმსკი-კორსაკოვი, მ. გორკი, თ. შალიაბინი, კ. ბალმონტი... აგრეთვე, უცხოელები: სარა ბერნარი, როდენი, ანატოლ ფრანსი, ერნესტო როსი...

აღ. სუმბათაშვილისადმი ანალოგიურ დამოკიდებულებას ავლენდა ქართველ მამულიშვილთა დიდი ნაწილიც (ი. ჭავჭავაძე, ა. წერეთელი, ი. გოგებაშვილი, ნ. ნიკოლაძე, კ. მარჯანიშვილი, ლ. მესხიშვილი, ზ. ფალიაშვილი, ღ. არაყიშვილი...).

მიუხედავად ყოველივე ზემოთქმულისა, როგორც უკვე აღვნიშნეთ, იმუამინდელი ჩევნი საზოგადოების ცალკეული წარმომადგენლები აღ. სუმბათაშვილს მკაცრად აკრიტიკებდნენ იმის გამო, რომ იგი სამშობლოს გარეთ მოღვაწეობდა, ქართული ენა არ იცოდა და მთელ თავის ენერგიას რუსულ სცენას ახმარდა.

ამ ამბით უსაზღვროდ შეწუხებულ ხელოვანს არაერთხელ გამოუხატავს გულისტკივილი ყოველივე ზემოთქმულის გამო. მაგალითად, უურნალ “თეატრი და ცხოვრების” 1916 წლის 26-ე ნომერში გამოქვეყნებულ ინტერვიუში წერდა: “გაუგებარია ზოგიერთების საქციელი, ღალატს რომ მიკიუნებენ!.. განა პავლე ტრუბეცკოი, ეს შესანიშნავი რუსი მოქანდაკე, რომელიც სიყრმიდანვე იტალიაში ცხოვრობს, შესანიშნავ ქანდაკებებს ჰქმნის და რუს მოქანდაკედ არის ცნობილი, სამშობლოს მოღალატეა? განა შეესპირი, ეს ინგლისის მშვენება, იმავე ღრმის ჩევნი ისამაცე არ არის და ინგლისის სახელი უფრო არ განადიდა?.. ჩაიცა შემეხება მე, მეც ჩემს სამშობლოს და საზოგადოდ ხელოვებას ისე ვემსახურები, როგორც შემიძლია. მე ვტრიალებ რუსეთის უმაღლეს მოაზროვნე, ხელოვება-მწერლობის მოყვარულთა საზოგადოებაში, სადაც ქართველად მცნობენ, მშვენიერ საქართველოს შვილად და ყოველთვის ვცდილობ, ჩემი სამშობლოს სახელი კიდევ უფრო განდიდლეს”.

აღ. სუმბათაშვილის ერთი შეხედვით თითქოსდა გაორებული, მაგრამ სამშობლოსადმი დაუცხრომელი სიყვარულითა და ერთგულებით განმსჭვალული საქმიანობა კოტე მესხმა მოსკოვში გამართულ ზემოთ ხსენებულ საიუბილეო სალამზე გამოსვლისას დიდი ხელოვანისათვის მიმართული ამ სიტყვებით შეაფასა: “ჩვენ, შენი უმცროსი ძმები, მსახიობები, ბედნიერები ვართ მით, რომ შენი ღვთიური ნიჭის საუკეთესო ქმნილება მიუძღვენი შენ სამშობლო-საქართველოს... მაშ, ნურავინ იტყვის, რომ შენ უოაღატე სამშობლო სცენას. შენი ღალატი შენ “ღალატითვე” გამოიყიდე” (კ. მესხი, 1953, გვ. 48).

კ. მესხი გამონაკლისი არ ყოფილა და ალ. სუმბათაშვილის მოღვაწეობას მსგავს შეფასებას იმუამინდელი ქართველი საზოგადოების დიდი ნაწილი აძლევდა. კერძოდ, გარდა იმისა, რომ იმდროინდელ პრესაში სისტემატურად ქვეყნდებოდა ხელოვანის ღვაწლის განმადიდებელი წერილები, ქართული თეატრების სცენაზე მისი პიესებიც იდგმებოდა დიდის წარმატებით. ამას ემატებოდა ისიც, რომ საქართველოში მისი სასცენო მოღვაწეობის აღსანიშნავად გამართულ იუბილეებზეც და სხვა დროსაც ალ. სუმბათაშვილი ხანგრძლივი დროით ჩერებოდა სამშობლოში და როგორც მსახიობი, ჩვენი ქვეყნის სხვადასხვა თეატრების სცენაზე პირადადაც გამოდიოდა მაყურებლის წინაშე.

ამ თვალსაზრისით განსაკუთრებით ფართო მასშტაბების მომცველ მოვლენად იქცა ხელოვანის სტუმრობა საქართველოში 1916 წლის გაისახი. განსხვავებით ჩვენი საზოგადოების იმ ნაწილისაგან, რომელიც ნიშილისტურად იყო განწყობილი ალ. სუმბათაშვილის ეროვნული ცნობიერებისადმი, ი. იმედაშვილმა “ჯადოხელოვანად” სახელდებული ეს დიდი პიროვნება უცხოეთში მცხოვრებ ჩვენს თანამემამულებს სამშობლოსადმი მსახურების იდეალიზებულ მაგალითადაც დაუსახა: “დაე, სამშობლოდან უცხოეთში ნებსით თუ უნებლიერ გადახვეწილებმა მაგალითად იყოლიონ ალ. სუმბათაშვილი-იუჟინი და გაიგონ, რომ კველას შეუძლიან სამშობლოს სამსახური, თუ გული გულობს” (“თეატრი და ცხოვრება,” 1916 წ. №22).

თბილისში სტუმრად მყოფ ხელოვანს ქართველი საზოგადოების ცნობილი წარმომადგენლები გულმხურვალე შეხვედრებს უწყობდნენ და აღფრთვანებით უქნებოდნენ მადლობას იმის გამო, რომ, რუსეთში ცხოვრებისა და მოღვაწეობის მიუხედავად, იგი აქტიურად იდგა ეროვნულ საქმეთა სამსახურში. ამგვარი შეხვედრების დროს უმთავრესი საუბრის საგნად “ღალატი” იქცეოდა ხოლმე, ალ. სუმბათაშვილის პატრიოტული თვალთანედვის ყველაზე მეტად წარმომჩენი პიესა, რომელსაც ქართულ დრამატურგიაში მყარად აქვს დამკვიდრებული ერთერთი ყველაზე მეტად წარმატებული და მაღალრეიტინგული ნაწარმოების ადგილი.

ი. გრიშაშვილს ალ. სუმბათაშვილისადმი მიძღვნილ ექსპრომტში, რომელიც მას მის საპატივცემულოდ გამართულ ერთ-ერთ ნაღიმზე წაუკითხავს, “ღალატის” ნახვის შედეგად გამძაფრებული პატრიოტული ემოცია პოეტური ფორმით შემდეგნაირად გამოიყენა:

“ხოლო როცა საქართველოს, ისეც დამწვარ-დაჩაგრულსა,

უყიდიან მიწა-წყალსა, უგრძებენ ენას, რჯულსა, —

მაშინ მყისვე მაგონდება ანანია თავის ფიცით

და მსურს მეც ვთქა: ხანჭლის დაკვრა ქართველებმა გულში ვიცით!..

როს აწყობზე გულგატეხილს აღარა გვწამს მომავალი, —

მაშინ შენსკენ იმზირება, ოთარ-ბეგო, ჩვენი თვალი,

და ეს სახე, ფრთა წარსულის, ჩვენთან დაჰქრის, ჩვენთან ფრინავს

და ჩვენც ვამბობთ აკაკივით: არ მომკვდარა, მხოლოდ სძინავს!

ხოლო ჩრდილოს ცივი ჰავა თუ ჩაგიქრობს გულში ალსა:

ჩვენთან მოდი და თბილ სუნთქვით გავიჩალებთ ნაღვერდალსა”.

ი. გრიშაშვილი გამონაკლისი არ ყოფილა და მსგავსი პატრიოტული სულისკეცების გამომხატველი ლექსები ალ. სუმბათაშვილს სხვა ქართველმა პატრიუტიმაც მსუტლენებს. მსგავსი შემთხვევის მისაღმი მიძღვნილ ლექსში

იმ გარემოებას გაუსვა ხაზი, რომ თავისი “საბულბულო სიმღერების სწევის ბალში მიმოფანტვის” მიუხედავად, ალ. სუშბათაშვილი, უწინარესად, მაინც საქართველოს ჭრილობებით გულდაკოდილ მამულიშვილად დარჩა:

“შენ სამშობლოს ჩამოგწყვიტა ჩატეხილმა ბეღის ხილმა,

შენ ჩრდილოს ცა დაამშვენე — ივერიის ოტარიდმა,

შენ სხვა ერის მზემ გაგითბო გული – მზიურ ფიქრთა მგზნები,

შენ სხვის ბალში მიმოფანტე საბულბულო სიმღერები

მაგრამ შენი გულის თრთოლვა, ცრემლი, ფიქრი, აღმაფრენა —

იყო მხოლოდ საქართველო და მის სახე იყავ შენა!..

როს აქ მამულს მახვილს სცემდნენ, ტკივილს შენ იქ გა

შენც გტანგავდა ჯვარი — მისგან გოლგოთაზე ანაზიღი!

და დღეს მოხველ უფრო ახლო საქართველოს ჭრილობებთან

Հռմ Ցու կանուգալու սպառ թվազեց, յրտալ Տեղանքին!

და სამშობლოც თავდანრილი — მაღლიერის სიყვარულით —

სალამს გიძლვნის ღირსეულ შვილს, სალამს გიძლვნის წრფელის გულით!

ინტელექტუალური კართველი საზოგადოების დიდი ნაწილის შეირ აღ.

სუქბათა ძვილისადმი გაძოვლებილძა სიყვარულძა და ატივისცებად კიდევ უფრო ფართო გამოხატულება ჰპოვა 1922-1923 წლების ნოემბერ-იანვარში საქართველოში მისი სტუმრობის დროს. თბილისში, ქუთაისში, ბათუმსა და ჩვენი ქვეყნის სხვა ქალაქებში გამართულ შეხვედრებზე მას, პირველ ყოვლისა, მისი “ქართული საქმიანობის” გამო ეუბნებოდნენ უღრმეს მაღლობას.

როგორც აღ. სუმბათაშვილის ბიოგრაფიიდან ნათლად ჩანს, საქართველოსადმი სიყვარულის გრძნობა სიცოცხლის ბოლო წლებში მას იმდენად გამძაფრებია, რომ თბილისში გადმოსახლებაზეც ოცნებობდა. მაგალითად, “თბილისში ყოფნის დროს მას თხოვნით მიუმართავს საქართველოს მიწათმოქმედების სახალხო კომისარისათვის, რათა მისთვის გამოეყოთ მიწის ნაკვეთი თელეთში (თბილისის გარეუბანი) პატარა სახლის ასაშენებლად (მისი ძეგლი სახლი თელეთში დაიწყო). საკითხი დადგებითად გადაწყდა, მაგრამ სახლის აშენება ველარ შეძლო, რადგანაც ჭანმრთელობის გაუარესების გამო საქართველოში ჩამოსკლა ვერ მოხერხდა” (დ. ჩხილიშვილი, 1986, გვ. 495). 1926 წლის 9 აგვისტოს მოსკოვიდან თბილისში თავისი ერთ-ერთი ნათესავისთვის გაძოგზავნილ წერილში კი წერდა, რომ იგი ოცნებობდა, საშუალო ძოლ დასახლებულიყო თბილისში და წლის დიდი ნაწილი სამშობლოში გაეტარებინა, მოსკოვში კი მცირე თეატრის სპექტაკლებში მონაწილეობის მისაღებად მხოლოდ 4-5 თვით ჩასულიყო, ზამთრობით.

სამწუხაროდ, დიდი ხელოვანის ამ ოცნებამ ჭერ მისი ავადმყოფობის, შემდგომ კი გარდაცვალობის გამო, ხორცი ვერ შეისხა და იგი ფაქტობრივად მთელი ცხოვრების განმავლობაში დარჩა სტუმრად თავისსავე სამშობლოში. საქართველოში ერთხელ და სამუდამოდ დაბრუნების უკანასკნელი შანსი რეალურად მას მხოლოდ სიკვდილის შემდეგ გაუჩნდა ქართულ მიწაში საკუთარი საფლავის დამკვიდრებით: როგორც ცნობილია, 1927 წლის 17 სექტემბერს, ხანგრძლივი ავადმყოფობის შემდეგ, საფრანგეთში, ქალაქ კანში გარდაცვლილი აღ. სუმბათაშვილის გვამი 19 ოქტომბერს გემით ბათუმში ჩამოასცენეს, საიდანაც ჭერ თბილისში ვალასცენებს, მერე კი მოსკოვში და ლიდი პატივით დაისაფლავი ნოვო-ლენინის სახალაზაზე.

ქართველი საზოგადოების ის ნაწილი, რომელიც სამშობლოს გარეთ აღ. სუმბათაშვილის მოღვაწეობას გაუმართლებელ ფაქტად მიიჩნევდა, საქართველოდან რუსეთში ხელოვანის გვამის გადასვენებასა და მის იქ დასაფლავებას ლოგიკურად გამართლებულ მოვლენად მიიჩნევდა. მათი აზრით, თავისი ქართული წარმომავლობის მიუხედავად, აღ. სუმბათაშვილი რუსული კულტურის სამსახურში ჩამდგარი ხელოვანი იყო, ის აღმიანი, ვინც მთელი თავისი ნიჭი და ენერგია, ნაცვლად საკუთარი სამშობლოსი, სხვა ქვეყანას მოახმარა.

აღ. სუმბათაშვილის მოღვაწეობის ქართველ მკვლევართა უმეტესობა კი ღრმად და დაუუჭვებლადაა დარწმუნებული იმაში, რომ სამშობლოს გარეთ ცხოვრებისა და საქმიანობის მიუხედავად, იგი, პირველ ყოვლისა, მაინც ქართველი ხელოვანი იყო და აქტიურად იდგა ქართულ საქმეთა სამსახურში. გ. ბუხნიკაშვილი, ამ თვალსაზრისით იმდენად შორისაც კი მიდის, რომ აღ. სუმბათაშვილის მოღვაწეობა მოსკოვში, სადაც ხელოვანს, თბილისთან შედარებით, შემოქმედებითი საქმიანობისათვის გაცილებით ფართო ასპარეზი მოეპოვებოდა, მას უფრო გამართლებულ მოვლენად მიაჩნდა, ვიდრე საქართველოში მისი დარჩენა და მოღვაწეობა. “უთუ არ სჯობდა, — წერდა, მაგალითად, მკვლევარი აღნიშნულ საკითხთან დაკავშირებით, — რომ ნიშიერ ქართველს, დიდი გასაქანისა და უნარის მქონეს, თავისი თვისებები დიდ რუსეთში გამოეჩინა, მთელ მსოფლიოში მოეხვეჭა სახელი და დიდება, ვიდრე საქართველოს ვიწრო ფარგლებში დარჩენილიყო” მართალია, ქართული კულტურა ცარიზმის მიერ დიდ ჩაგრას განიცდიდა და საჭირო იყო ჩვენში საკმაო ძალები გვყოლოდა ამ კულტურის დასაცავად და გასაცითარებლად, მაგრამ ისიც კარგი იყო, თუ საქართველოს გარეშე გვეყოლებოდა მოამავე, და ისეთი, რომელსაც სახელი და ავტორიტეტი ექნებოდა. ალექსანდრე სუმბათაშვილი სწორედ ასეთი მოამავე იყო. ის მუდამ ცდილობდა, გაეცნო რუსი ხალხისათვის თავისი პატარა ქვეყანა, ცდილობდა, დაეკალირებინა მოძმე ქართველები რუსულ კულტურასთან. ამ მხრივ ის ამ კულტურათა შორის კავშირის განმტკიცების ერთ-ერთი აქტიური მოღვაწე იყო”.

მიუხედავად იმისა, რომ აღ. სუმბათაშვილის ღვაწლის მკვლევრისეული დახასიათება ძირითადად სწორია და მისაღები, პრინციპულად მცდარია და ყოვლად გაუმართლებელი მის მიერ კატეგორიული ფორმით გამოხატული ვასაზრება იმის თაობაზე, თითქოს “დიდი გასაქანისა და უნარის მქონე ნიშიერი ქართველისათვის” გაცილებით უმჯობესი იყო “თავისი თვისებები დიდ რუსეთში გამოეჩინა,” ვიდრე “საქართველოს ვიწრო ფარგლებში დარჩენილიყო”.

თუ ამ კრიტერიუმით ვიხელმძღვანელებდით, მაშინ გამოდიოდა, რომ ჩვენი ერის დიდ შვილებს თავიანთი ნიჭი და ენერგია საქართველოში კი არ უნდა დაეხარჯათ და ეროვნულ საქმეთა სამსახურში კი არ უნდა მდგარიყვნენ, არამედ უცხოეთის მაღალგანვითარებულ ქვეყნებში ეძებნათ საკუთარ შესაძლებლობათა სარეალიზაციო ასპარეზი.

როგორც ზემოთ უკვე ითქვა, წინამდებარე ნარკვევის დაწერის უმთავრესი მიზანი იმ აქტიური ქართული საქმიანობის ჩვენებაა, რომელსაც აღ. სუმბათაშვილი ეწეოდა მთელი ცხოვრების განმავლობაში. აღნიშნული მიმართულებით ხელოვანის ღვაწლი, მართლაც, ძალზე მნიშვნელოვანი რომაა, ამას მის მიერ გაკეთებულ ქართულ საქმეთა ეს არასრული ჩამონათვალიც აღსატრირებს ნათლად და დაუმტკიცებლად: კერძოდ, იუ იყო: “მოსკოველ ქართველთა

სათვისტომოს” თავმჯდომარე, ქართველ სტუდენტთა დამხმარე და დამფინანსებელი, ქართული კულტურის მიღწევათა აქტიურად პოპულარიზატორი, დიდ ქართველ მოღვაწეთა ღვაწლის წარმოსახენად მრავალი ღონისძიების ჩატარების ორგანიზატორი, მოსკოვში ქართული ბიბლიოთეკის დამაარსებელი, ქართული კლასიკური მწერლობის ნიმუშთა რუსულ ენაზე თარგმნის აქტიურად ხელშემწყობი და ა. შ.

რუსეთში ქართულ საქმეთა საკეთებელ ყველაზე დიდ ასპარეზად ალ. სუმბათაშვილისათვის “მოსკოველ ქართველთა საზოგადოება” იქცა. ეს “საზოგადოება” დაარსდა 1907 წელს მოსკოვში მცხოვრები ინჟინრის — ივანე თულაშვილის თაოსნობით. ალ. სუმბათაშვილი მის თავმჯდომარედ 1909 წელს იქნა არჩეული. ამ დროიდან მოყოლებული, იგი თითქმის გარდაცვალებამდე ედგა სათავეში ხსენებულ “საზოგადოებას” და უდიდესი როლი შეასრულა მის საქმიანობაში.

ალ. სუმბათაშვილის ძალისხმევით, “საზოგადოება” სისტემატურად მართავდა ქართველ მოღვაწეთა იუბილეებს, ქართული კულტურის საღამოებს, თეატრალურ შეხვედრებს, ქართული მუსიკის კონცერტებს, საქველმოქმედო ღონისძიებებს, ეწეოდა საგანმანათლებლო საჭმინობას, ხელს უწყობდა ქართული მწერლობის ნიმუშების თარგმნას რუსულად. ამ ღონისძიებებში აქტიურ მონაწილეობას ღებულობდნენ როგორც ქართული, ისე რუსული შემოქმედებითი და სამეცნიერო ინტელიგენციის ცნობილი წარმომადგენლები.

ყოველივე ზემოთქმულის დასტურად აქ შ. დადიანის მოგონებათა წიგნის ის ფრაგმენტი მინდა გავიხსენო, სადაც ხსენებული “საზოგადოების” საქმიანობის შესახებაა საუბარი: მოსკოვში მყოფი შ. დადიანის ინფორმაციით, ალ. სუმბათაშვილის თაოსნობით გამართულ ქართულ საღამოებში უსასყიდლოდ იღებდნენ აქტიურ მონაწილეობას “მოსკოვის საუკეთესო არტისტული ძალები”, რაც, პირველ ყოვლისა, ჩვენი დიდი თანამემამულის დამსახურება ყოფილა. “იუჟინი, — წერს მწერალი, — მაშინ უკვე დიდად მიჩნეული არტისტი, დრამატურგი და საზოგადო მოღვაწე იყო, დიდათ მომზადებული, დიდი გონიერის პატრონი. მუდამ იყო სასურველი წევრი მოსკოვის მოწინავე საზოგადოებისა, იმავე დროს საქართველოს დიდი პატრიოტი, რასაც ის სიტყვებით კი არა მოქმედებითაც ამჟღავნებდა. აჩაერთი ქართველი სტუდენტი და ინტელიგენტი მოუწყვია მას სასწავლებელში თუ სამსახურში” (შ. დადიანი, 1959, გვ. 159).

“მოსკოველ ქართველთა საზოგადოება” კველმოქმედი დაწესებულებაც იყო, რომელიც ფინანსურ დახმარებას უწევდა და სტიპენდიებს უნივერსიტეტის ქართველ ხელმოკლე სტუდენტებს.

ალ. სუმბათაშვილმა ბევრი რამ გააკეთა ქართული მწერლობის პოპულარიზაციისა და მისი ცალკეული ნიმუშების რუსულ ენაზე თარგმნის მიმართულებითაც. ხელოვანის მიერ სისტემატურად გამართულ ქართული პოეზიის საღამოებზე საზოგადოებას შესაძლებლობა ეძლეოდა უფრო ღრმად გასცნობოდა როგორც კლასიკური, ისე მათი თანამედროვე ქართველი პოეტების შემოქმედებას.

მიუხედავად ქართულ საქმეთა კეთების დროს გამოვლენილი ზემოთ აღნიშნული აქტიურობებისა, ალ. სუმბათაშვილის ეროვნული თვალთახედვის შეფასების დროს, განსაკუთრებულ მნიშვნელობას, პირველ ყოვლისა. მაინც

მისი ფართოდ ცნობილი პიესა “ღალატი” (1903 წ.) იძენს. საქართველოში ნაწარმოები ქართულ ენაზე მის გადმოთარგმნაშეც და ქართულ სცენაზე დადგმამდეც იმდენად პოპულარული გახდა, რომ მასზე არა მარტო ზეპირად საუბრობდნენ უდიდესი ინტერესით, არამედ მის შესახებ წერილებიც გამოქვეყნდა იმდროინდელ პრესაში.

ალ. სუმბათაშვილის პიესით ქართველი საზოგადოების უდიდესი ნაწილის ამგვარი დაინტერესება, უპირველეს ყოვლისა, იმ მოვლენით იყო განპირობებული, რომ მასში გმირულ-ჰეროიკული და გარკვეულწილად იდეალიზებული ფორმითაც იყო წარმოსახული ის თავგანწირული ბრძოლა, რომელსაც ქართველი ხალხი აწარმოებდა თითქმის მთელი თავისი ისტორიის განმავლობაში ეროვნულ-სახელმწიფოებრივი დამოუკიდებლობის დასაცავად და ქრისტიანული სარწმუნოების შესანარჩუნებლად.

მიუხედავად იმისა, რომ პიესა რუსულ ენაზე იყო შექმნილი, კ. აბაშიძის შეფასებით, იგი, პირველ ყოვლისა, მაინც “ქართული ენის სულით დაწერილ ტრაგედიას” წარმოადგენდა, ისეთ ნაწარმოებს, რომელშიც ავტორის ეროვნული გრძნობა “იმდენზე ძლიერია, ძალუმი და ძარღვიანი, რომ კაცს ჰგონია, თუ იგი ქართულად არის დაწერილი და რუსულად ნათარგმნი. ესოდენ დიადი გრძნობით ყოფილა განმსჭვალული ეს კაცი, რომელსაც ერთ დროს ვუსაყვედურებდით, დღეს კი ბოლიშით ვაშა უნდა ვუძღვნათ”.

“ღალატის” შეფასების დროს ზემოთ აღნიშნული ფაქტორები კ. აბაშიძეს იმდენად მნიშვნელოვნად მიაჩნდა, რომ ხსენებულ ნაწარმოებს ყოველგვარი ორაზროვნების გარეშე აღიარებდა ქართული მწერლობის ნაწილად.

კ. აბაშიძე გამონაკლისი რომ არ ყოფილა და ალ. სუმბათაშვილის პიესას მსგავს შეფასებებს იმდროინდელი ქართული მწერლობის დიდოსტატებიც აძლევდნენ, ამის დასტურად აქ თუნდაც იმ დამოკიდებულების გახსენებაც იქნება საკმარისი, რასაც ი. ჭავჭავაძე და ა. წერეთელი იჩენდნენ “ღალატის” მიმართ. მაგალითად, აკაკიმ, გარდა იმისა, რომ პიესა ქართულ ენაზე გადმოთარგმნა, ქართული თეატრის სცენაზე მისი დადგმის საქმეშიც შეასრულა მნიშვნელოვანი როლი.

რაც შეეხება ილიას, იგი “ღალატით” იმდენადაც კი ყოფილა ალ-ფარავანებული, რომ ქართულ ენაზე მისი გაღმოოთარგმნაც ჰქონია გადაწყვეტილი.

“ღალატი” პირველად მოსკოვის მცირე თეატრში დაიდგა 1903 წლის სექტემბერში ტრიუმფთალური წარმატებით, შემდეგ კი რუსეთის სხვა თეატრების რეპერტუარშიც დამკვიდრდა მყარად და ხანგრძლივად. ა. წერეთლის თქმით, ალ. სუმბათაშვილის ამ პიესის საფუძველზე შექმნილ სპექტაკლს “შთელი რუსეთი მიეგება აღტაცებით”. გარდა რუსეთისა, “ღალატით” ევროპისა და ამერიკის თეატრებიც ყოფილან დაინტერესებულნი.

და მანც, მიუხედავად ყოველივე ზემოთქმულისა, უმძაფრები პატრიოტული სულისკვეთებით განმსჭვალული ამ პიესისადმი განსაკუთრებული ინტერესი, უწინარეს ყოვლისა, ქართველმა საზოგადოებამ გამოავლინა და აქტიურად დაიწყო მზადება ქართულ სცენაზე მის დასადგმელად. პირველი რეალური ნაბიჯი ამ მიზნის ხორციელების 1903 წელსვე გადადგის “ივერიის” იმპარიანდელმა რეალურობისა ციფროლ ყიფშიძემ და ცნობილმა მსახიობმა და

დრამატურგმა კოტე მესხმა, რომელთაც ერთმანეთისაგან დამოუკიდებლად თარგმნეს და გამოაქვეყნეს პიესა ქართულ ენაზე.

ქართულ სცენაზე “ლალატის” პრემიერა 1904 წლის 20 იანვარს შედგა კ. მესხის თარგმანის საფუძველზე დადგმული სპექტაკლით.

ამ დროიდან მოყოლებული, “ლალატი” მყარად დამკვიდრდა ქართული თეატრების რეპერტუარში, რაც არსებითად განაპირობა მისმა პატრიოტულმა შინაარსმა და სამშობლოს თავისუფლებისათვის ქართველი ხალხის თავგანწირული ბრძოლის იმ იდეაზ, რომელიც მასში გმირულ-რომანტიკული ფორმითაა განვითარებული.

როგორც ალექსანდრე სუმბათაშვილის მოღვაწეობისა და შემოქმედების წინაშებარე განხილვამაც ცხადყო, მიუხედავად სამშობლოს გარეთ ცხოვრებისა, თავისი ეროვნულ-პოლიტიკური მრწამსით იგი სიცოცხლის ბოლომდე დარჩა ჩვენი ქვეყნის დიდ პატრიოტად და ეროვნული იდეალებისადმი უღალატოდ ერთგულ პიროვნებად.

### დამოწმებული ლიტერატურა

გ. ბუხნიკაშვილი, 1995 - გ. ბუხნიკაშვილი, ალექსანდრე სუმბათაშვილი-იუჟინი, თბ., 1948.

შ. დადიანი, 1959 - შ. დადიანი, რაც გამახსენდა, თბ., 1959.

კ. მესხი, 1953 - კ. მესხი, დ. ჭანელიძის რედაქციით, 1953.

ალ. სუმბათაშვილი, 1948 - ალ. სუმბათაშვილი, ლალატი, თბ., 1948.

დ. ჩხიკვიშვილი, 1986 - დ. ჩხიკვიშვილი, ალექსანდრე სუმბათაშვილი-იუჟინი, თბ., 1986.

თეატრი და ცხოვრება, 1916 წ. №22, 26.

ივერია, 1903 წ. 6 დეკემბერი, №261.

## AVTANDIL NIKOLEISHVILI

### ALEXANDRE SUMBATASHVIL-YUZHIN AND GEORGIA

Attempts to identify the national consciousness of Alexandre Sumbatashvili-Yuzhin, one of the greatest representatives of Russian dramaturgy and theatre performance, and to learn his attitudes towards Georgia is not a new question; however, it has become a matter of interests for Georgian public to put forward the subject and make discussions over it.

In spite of the fact that the entire conscious life of Alexandre Sumbatashvili-Yuzhin went on the Russian language world the majority of his contemporary Georgian intelligentsia regarded him a country-man serving his native Georgia who made valuable contributions to the development of not only Russian culture, but also performed a

lot of noble deeds for his native country. As for the critically disposed part of Georgians they posit that Alexandre Sumbatashvil-Yuzhin was a Georgian only by birth and that he had lost his contacts with his native language and with the mundane spiritual world of his people. They blamed him not only for the indifferent attitudes towards his country but also some even labeled him a traitor.

To vindicate the blame his play “the Treason” written in 1903, which ran in triumph on many stages of the world, can serve as the most important evidence. The play tells in a heroic tone a story of the fight of the Georgian people for the defense of the national independence.

Without exaggeration I can conclude that in spite of the fact that Alexandre Sumbatashvil-Yuzhin spent his life out of his native Georgia, he remained a faithful patriot of Georgia and served the national values and ideals till the end of his life.